

涑水縣志目錄

卷首

宸章

圖十七

表一

卷一

地理志

疆域

附形勝

山川

附關隘

橋梁

古蹟

附陵墓

寺觀

坊表

村閭

附鄉社

集市

風俗

祥異

卷二

建置志

城池

公署

附館驛

倉庫

學校

附書院

壇廟

附祠閣

郵政

附義塚

卷三

食貨志

田賦

附戶口

旗租

雜稅

鹽政

經制

積貯

附社穀

義穀

物產

卷四

祀戎志

秩祀

羣祀

軍制

附敦民

卷五

職官志

文職

武職

宦蹟

卷六

科貢志

科第

附恩拔歲副 武科

薦舉

附援例

封贈

附廕襲

卷七

人物志

實行

閭節

附孝

流寓

附仙釋

卷八

藝文志

傳記

記

雜著

詩歌

卷末

餘錄

涑水縣志卷七

人物志

美玉在礪明珠在櫝非不寶貴也顧世或弗知知矣
或弗好則砒砒等耳魚目等耳同是人也而一國倚
之一家託之一鄉化之且相與私之爭之以爲吾里
中人者何哉毋亦有所繫而不可無與鬚眉能活巾
幘能香千載下如或遇之作人物志

舊志

實行

周

郭隗燕人也燕昭王嘗齊破燕後卑身厚幣以招賢者謂隗曰孤知燕小不足以報齊誠得賢士共圖以雪先王之恥孤之願也先生視可者身事之隗曰王必欲置士先從隗始况賢於隗者豈遠千里哉昭王爲隗築宮以師事焉樂毅自魏往鄒衍自齊往劇辛自趙往士爭赴燕

入幾輔通志名臣

按廣輿記載隗於保定時涑水隸保涑產即保產無足異也其塚在縣屬東十里隗家莊下馬禁樵

至今人重明德焉而以字爲姓隗辨而下詩書之
澤代不乏人乃查本州志亦行攬入何也賢哲之
生確有其地郡邑旣分義必明於專屬隗爲涑產
班班可考故特表爲人物之首唯戰國時尚未置
縣統爲燕地通志仍繫以燕人是矣舊志稱涑水
殊覺混舉今從史改之

三國魏

祖武范陽人晉王掾上谷太守逖之父也

晉

祖納字士言逖之兄有操守能清言文義可觀性至

孝少孤貧自炊以養母平北將軍王敦辟爲從事
中郎轉尚書三公郎遷太子中庶子後爲中護軍
太子詹事封晉昌公以洛下亂乃避地東南元帝
作相引爲軍諮祭酒後因故閒居但清談披閱文
史而已時梅陶及鍾雅數說餘事納輒困之因曰
君汝穎之士利如錐我幽冀之士鈍如搥持我鈍
搥捶君利錐皆當摧矣陶雅並稱有神錐不可得
捶納曰假有神錐必有神搥雅無以對

祖逖字士雅范陽道人元帝時爲豫州刺史入畿
輔通志名臣本傳載藝文

盧景裕字仲孺少聰敏專經爲學居拒馬河一老婢作食不以妻子隨後又避地太甯山不營世事居無二業唯務研經其叔父同官俱顯要而景裕終園野守道自得世號居士節閔初除國子監博士參議甚見親遇雖居官不廢講學所注易大行於世兼通釋典天竺國沙門道惲嘗請爲諸經論序

南北朝

劉宋

祖沖之字文遠道人精文史工制度尤善星厯孝武大明七年由南徐州從事史上言何承天元嘉厯

疏舛辨論甚悉帝令善厯者難之不能屈使值華
林學省賜宅宇時有北人索取隣者能造指南車
詔與沖之各造於樂遊苑中校試取隣法差晉杜
預造欹器不成沖之復造與周廟不異又制本牛
流馬盡得武侯機法造千里船於新亭試之日行
百餘里神思敏警靡不該通會宋主殂不竟其用
所著有論語孝經註易老莊釋義具本傳子暉之
孫皓

梁

祖暉之字景燦沖之子少保家業究極精微有巧思

入神之妙嘗其詣微之時雷霆不能入嘗行遇僕射徐勉以頭觸之勉呼乃悟父所改何承天歷時尙未行梁天監初暉之更修之於是始行焉位至太府卿

祖皓暉之子志節慷慨有文武才少傳家業善算歷大同中爲江都令拜廣陵太守侯景陷臺城皓間行走江西百姓感遺惠匿之廣陵人來疑告皓曰逆豎滔天王室如燬正義夫發憤之秋君世荷國恩逃竄草間危如累棊董紹先雖景腹心輕而無謀况新克此州人情不附襲而破之一壯士力耳

如其克捷百代之下猶爲梁室忠臣皓曰僕所願也乃起兵廣陵糾勇士耿光等於簡文大寶元年誅紹先結束魏爲援馳檄討景景懼卽日率侯鑒等攻之城破見執被縛箭射遍體車裂以殉兄弟子姓遇害者十六人

載畿輔通志忠節

元魏

祖敏范陽道人仕北燕爲平原太守太武平燕賜爵固安子尚書左丞

祖疑敏子位馮翊太守龍爵固安子以從征平原有功進爵爲侯

祖季真道人多識前言往行位中書侍郎鉅鹿太守
有治聲

祖瑩字元珍季真子也年八歲能誦詩書十二爲中
書學生好學耽書以夜繼晝父母恐其成疾禁之
不能止嘗密於灰中藏火驅逐僮僕候父母寢後
燃火讀書以衣被塞窗戶恐漏光明爲家人所覺
由是聲譽甚盛內外親屬呼爲聖小兒瑩與陳郡
袁翻齊名時人爲之語曰京師楚楚袁與祖洛中
翩翩祖與袁尙書令王肅曾於省中詠悲平城詩
曰悲平城驅馬入雲中陰山常晦雪荒松無罷風

彭城王勰甚嗟其美欲使肅更詠乃失語云王公
吟詠聲律殊佳可便爲誦悲彭城詩肅因戲勰云
何意悲平城爲悲彭城也勰有慚色瑩在座旣云
所有悲彭城王公自未見耳肅云可爲誦之瑩應
聲云悲彭城楚歌四面起屍積石梁亭血流睢河
裏肅甚嗟賞之勰大悅退謂瑩曰卽定是神口今
日若不得卿幾爲吳子所屈累官冀州鎮東府長
史遷國子祭酒領給事黃門侍郎幽州大中正監
起居事參議律歷賜爵容城縣子以功遷儀同三
司進爵爲伯薨賜尚書左僕射司徒公冀州刺史